

নথি নং-

তারিখ:...../১/২০১৩

বিষয় : কাস্টমস বন্ড কমিশনারেটে কর্মরত কর্মকর্তাদের সাথে সুপারভাইজড বন্ড গার্মেন্টস এক্সেসরিজ এসোসিয়েশনের প্রতিনিধি দলের অনুষ্ঠিত সভার কার্যবিবরণী।

তারিখ : ২৭.১২.২০১২
স্থান : সম্মিলন কক্ষ, কাস্টমস বন্ড কমিশনারেট, ঢাকা
সময় : সকাল ১১.০০ টা
সভাপতি : জনাব এম. হাফিজুর রহমান
কমিশনার, কাস্টমস বন্ড কমিশনারেট, ঢাকা।

কাস্টমস বন্ড কমিশনারেটে কর্মরত সরকারী কমিশনার তদুর্ধ্ব কর্মকর্তা ও সুপারভাইজড বন্ড গার্মেন্টস এক্সেসরিজ এসোসিয়েশন প্রতিনিধিদের উপস্থিতিতে ২৭.১২.২০১২ তারিখে বন্ড কমিশনারেটের সভা কক্ষে একটি সভা অনুষ্ঠিত হয়। সভায় জনাব এম. হাফিজুর রহমান, কমিশনার, কাস্টমস বন্ড কমিশনারেট সভায় সভাপতিত্ব করেন। সভায় নিম্নোক্ত বিষয়াদি নিয়ে আলোচনা ও সিদ্ধান্ত হয়:

০১. সুপারভাইজড বন্ড গার্মেন্টস এক্সেসরিজ এসোসিয়েশনের বক্তব্য : সুপারভাইজড বন্ড প্রতিষ্ঠানসমূহের দৈনন্দিন কাজ কর্মের বিভিন্ন জটিলতার জন্য রপ্তানি ব্যহত হচ্ছে। সুপারভাইজড বন্ড লাইসেন্স প্রাপ্ত প্রতিষ্ঠানসমূহের কার্যক্রম বন্ড অফিসারের সরাসরি তত্ত্বাবধানে সম্পাদন করার কথা। বন্ড দপ্তর থেকে জারীকৃত নতুন অফিস আদেশ বাস্তবায়নের ক্ষেত্রে রিকুইজিশন স্লিপ সহকারী কমিশনার এর অনুমোদনের জন্য সংযোজিত কাগজপত্র বন্ড কমিশনারেটে প্রতিনিয়ত নিয়ে আসতে হয়। এতে করে রপ্তানি কার্যক্রম ব্যহত হচ্ছে। সুপারভাইজড বন্ডের বিদ্যমান আইনানুযায়ী পূর্বের ন্যায় কার্যক্রম পরিচালনা এবং বন্ড অফিস কর্তৃক সম্প্রতি জারীকৃত অফিস আদেশ ৫(১৩)২৫/বন্ড কমি:/কা: শা:/সুপারভাইজড বন্ড/আদেশ/২০১২ তারিখ ১৯.১১.২০১২ বাতিল করা সমীচীন হবে।

বন্ড কমিশনারেটের বক্তব্য: অতি সম্প্রতি জাতীয় রাজস্ব বোর্ডে সুপারভাইজড বন্ডের আইনগত ভিত্তি না থাকায় সুপারভাইজড বন্ড ব্যবস্থা চালু রাখার যৌক্তিকতার বিষয়ে প্রশ্ন উত্থাপন করেছে। তাছাড়া, ইউপি ইস্যু করে পণ্য সরবরাহ এবং ইউপি ইস্যু ব্যতিরেকে পণ্য সরবরাহ উভয় ধরনের পদ্ধতি বর্তমান থাকায় এই খাতে এক ধরনের বৈষম্যমূলক পরিস্থিতি সৃষ্টি হচ্ছে মর্মে বিভিন্ন মহল থেকে প্রশ্ন উত্থাপিত হয়েছে। বিদ্যমান প্রেক্ষাপটে যে সকল প্রতিষ্ঠানসমূহকে সুপারভাইজড বন্ড লাইসেন্স প্রদান করা হয়েছে তা চালু রেখে তাদের কার্যক্রম সুষ্ঠুভাবে মনিটরিং করার উদ্দেশ্যে বর্ণিত অফিস আদেশ জারী করা হয়। তবে বন্ডারদের আবেদনের প্রেক্ষিতে এবং রপ্তানি কার্যক্রম যাতে ব্যহত না হয় সে উদ্দেশ্যে বন্ড কমিশনারেট থেকে ব্যবসা বান্ধব একটি আদেশ জারী করা হবে। একইসঙ্গে সুপারভাইজড বন্ডভুক্ত প্রতিষ্ঠানসমূহকে অটোমেশনের আওতায় আনার জন্য সংশ্লিষ্ট এসোসিয়েশন তাদের সদস্য প্রতিষ্ঠানসমূহকে উৎসাহিত করতে অনুরোধ করা হয়।

